

中國方志叢書·華中地方·第七一號

據

清·伍承吉等修·王士鈞纂  
清·同治三年刊本

影印

浙江省

# 雲和縣志



成文出版社有限公司印行

101475



\*10097797\*

中國方志叢書·華中地方·第七一號


據

清·伍承吉等修·王士鈞纂  
清·同治三年刊本

影印

浙江省

雲和縣志



9411/07

成文出版社有限公司印行



\*10097798\*

中華民國五十九年 月壹一版

# 雲和縣志

全二冊

發行人：**黃 成 助**

出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七一〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

庚

無

歸

山

欽定四庫全書  
欽定四庫全書

雲和縣志凡例

署雲和縣知縣上元伍承吉修

雲和舊志五卷成於康熙二十七年知縣林

汪遠實

自明知縣胡

希銓

肇其端

見浙江通志藝文門志乘錄

乾隆四

十二年知縣竇

經

畧為更定至嘉慶十四年知縣

陳

治策

定為二十二卷標目雖多記事仍畧今重

加釐訂補闕刪繁總為一十六卷所有體例門目

視舊志為頗賅核云

括蒼古志存於今者祇有萬曆彙紀續府志二書詳

簡得宜堪資徵引若雍正府志舛誤頗多今詳加

別擇於記事之屬勝朝者根據萬曆諸書至

昭代事宜惟寶書較確於林陳二志故采錄爲多其有見聞異詞所當折衷者仍用案語標出繫於本條之下

元和郡縣志諸鎮之首各冠以圖舊志薈萃爲一嫌於畧矣今圖其全境於前而以鄉都分列於後其縣署學宮書院特加詳焉至八景原本寶志並形爲繪事以示觀美

浙江通志標分野爲專門此在全省宜爾若州邑私書似可從刪雲自康熙林志已有成篇陳志復推

聞其說今仍前志存之至雲和得名本於宋代然  
尙統隸於麗陽迨明景泰始析爲縣今表沿革則  
全書麗志其所轄疆域仍以見在境界爲斷

彙紀志地理繫以詩文此用范至能吳郡志例也茲  
於勝水佳山流傳名作亦輯綴一二以資考證至  
形勢所在藉以控要據衝今悉詳於山水之下而  
仍以前志所標形勝附載於後

禹貢一書半屬盡力溝洫之事今紀建置而以水利  
先之重本務也至若城池爲保障之所制置宜詳  
公署本聽治之區興修必載其他育嬰堂養濟院

卷之六

滿澤園諸善政均志例所宜書故附及之  
志家例於學校篇首恭紀

列祖

聖訓凡以尊

詔諭爾宜教化也次則詳其規制與其修建至祭器以習禮  
儀樂章以象功德纖悉皆當附見餘若贍田賓興  
書院義塾亦併舉其名而於振興文教之由三致  
意焉

舊志田賦門多詳勝國課程

昭代反從其畧違其旨矣茲據全書開載但著現在賦

役他如救荒則有積儲宜廣義倉於下里治賦不  
遺兵制敢忘武事於前蹤並當補書以示有備無  
患云

祀典惟重有功德於民次則禦災捍患皆當特書

國初惠獻貝子勦殺耿逆平定三邦崇祀已遍乎兩浙

杭溫台三邑人初立石於石塘山尙未有祠已屬  
郡均有祠

闕典近歲卽其地建廟改奉羣祀而以貝子廟是  
數典忘祖矣今祠祀門中直書惠獻貝子祠以志  
我

朝崇德報功之意舊志入羣祀於官建厥體至善茲於

董修姓氏已另附碑文故不復贅

通志凡舊治故城非現在基址概入古蹟今於有明廢廡暨諸司節署亦彙入此門餘若亭臺第宅咸以類從至坊表冢墓雖年湮代遠必舉其名用見懷賢之意

陸清獻靈壽志不登寺觀體例綦嚴然古刹名藍藉以考見往事亦古蹟所留貽也今悉爲備錄至仙釋裁篇初非通例則仍所屏斥云

職官姓氏史記例有年表彙紀何用其體林陳諸志不免紛更今於有明諸職並依彙紀直書至

昭代以還謹按年代備載其有遺愛在人流風未泯者  
另詳宦績一門

舊志選舉諸人雖分科分初未立表今於舉貢以上  
謹依年代分列爲表蓋用彙紀例也其他掾辟例  
貢諸科目流品旣殊難以牽混故另附於後

彙紀入沈懷葉清臣於選舉已不免侵軼舊志一例  
因仍畧無繩糾今詳加訂正至增補諸人雖據諸  
家私牒務求確有據依非敢意爲輕也

雍正府志於人物多標門類識者病之林志但分仕  
宦隱逸等目陳志又益以孝友文學義行諸名更

張雖本前民而割裂殊乖大雅矣今統爲人物一門但分時代不虛張名目致誚糾紛

人物久而論定故有舊志所載寥寥不過數人果其事蹟流傳照人耳目亦不妨據實補書蓋公論不容沒也他若吳叔圭自是宣人當從彙紀之舊薛希連初非雲產不踵陳志之訛凡此之倫概爲糾正以遠攀附之嫌

內言不出婦德無從載筆故通志列女門但書姓氏不著事實今於前志所載小傳則備錄無遺若咸豐元年以前彙報各氏祇錄守節歲數以年代分

後先卽年例已符未邀

旌典者亦核實並載第於其下注明某人采訪以專責成其有三十後夫亡者別爲一類附綴於後以窮  
嫠苦節采錄之例或可稍寬也

舊志所有藝文總彙爲卷今定從彙紀之舊分見各  
門依類附綴而以諸家著述列爲書錄至詩文之  
有關掌故者併入藝文一門而以金石附焉

雲本麗水一鄉地風俗不甚相遠卽所產方物稱名  
亦同故以之載志不嫌沿襲至祥異以垂儆戒無  
問今昔亦並列而並書之

施武子入瑣綴於雜記以軼事遺聞亦足備掌故也  
前志未有斯例今畧加輯綴聊比於野史稗官之  
列至仙釋數人原本陳志雖不標目亦附見一二  
其各門所未盡收者均得併入

是編開局於咸豐五年十月纂至咸豐八年三月告  
竣雖裒益取材爲日已久第邑處萬山中藏書絕  
抄殊恨考訂未詳疎畧之愆知所不免尙望博雅  
諸君子匡其不逮焉

序

光照少微星野應辰垣之象地  
分麗水雷封增亥步之區蓋自  
景泰初年雲和叛置治成一邑  
名合兩鄉正封域於華離孕秀  
靈於蹻的衍南明之支派作東

三才月二  
湖之附庸聳翠流青群嶂則屏  
環爽氣前黃後綠兩溪則鏡爽  
清輝其間有懷葛古風三神山  
疑通壺嶠此處亦洞宮福地萬  
國志合問瑯環乃以花縣紅關  
竹書青削錐圖經之有作約略